

## **KERAKYATAN**

**Chedet.cc**

**06 December 2016**

**Tun Dr Mahathir Mohamad**

1. Menteri Besar Johor berkata bahawa tuduhan saya bahawa 700,000 orang asing akan mendapat kerakyatan Malaysia tidak munasabah.
2. Itu MB Johor. Itu bukan Perdana Menteri Najib. Kalau sebelum Najib menjadi PM saya tuduh bahawa ia akan mempunyai 2.6 billion Ringgit dalam akaun peribadinya di Ambank, siapa yang akan percaya. Orang akan kata saya gila.
3. Tetapi hari ini semua dunia tahu yang Najib telah lesapkan duit itu dari 1MDB yang ditubuh dan dikuasai penuh olehnya. Ya. Memang MB Johor tidak tahu. Memang ahli-ahli UMNO yang hadir dalam mesyuarat agong UMNO tidak tahu kerana telinga dan mata mereka telah disumbat dengan dedak dan mereka hanya boleh dengar cakap-cakap Najib dan konco-konconya schaja.
4. Tetapi dakwaan yang Najib lesapkan duit 1MDB kedalam poketnya memang benar, walaupun jika dakwaan ini dibuat sebelum ia menjadi PM, tidak siapa pun akan percaya.
5. Ya. Memberi kerakyatan kepada 700,000 orang asing memang bunyi tidak masuk akal. Tetapi Najib biasa membuat perkara-perkara yang tidak masuk akal, yang luar biasa.
6. Dizaman Najib, orang yang membuat laporan polis berkenaan duit yang dilesapkan oleh Najib, disoal oleh polis, dimasukkan dalam tahanan, dan dihadap ke mahkamah bersama dengan peguamnya atas tuduhan sabotaj ekonomi.
7. Tak masuk akal. Bercanggah dengan undang-undang. Tetapi ini sudah berlaku.
8. Laporan berkenaan dengan jenayah Najib oleh Bank Negara, MACC, Auditor-General didakwa oleh Pendakwa Raya tidak punyai bukti Najib melakukan apa-apa kesalahan, tidak dibenar mahkamah membicarakan kes, didakwa bahawa laporan ini rahsia Kerajaan, dan Pendakwa Raya menghalang sebarang penyelidikan dibuat berkenaan salahguna wang 1MDB.
9. Semua ini, perkara-perkara ganjil, luar biasa, bertentangan dengan undang-undang, tidak pernah berlaku tetapi sudah berlaku dibawah pemerintahan Najib.
10. Dan berpuluh lagi perkara yang tidak masuk akal sudah pun berlaku, dibawah pemerintahan Najib.
11. Sebab itu dakwaan bahawa 700,000 orang asing ini akan diberi kad pengenalan, di daftar dan mengundi dalam PRU 14 tidak begitu ganjil atau "rubbish". Najib boleh melakukannya.
12. Hari ini pun sudah ada kes pelawat asing memiliki passport negara lain tetapi I.C Malaysia. Dalam negara Cash is King Najib, pegawai boleh disogok atau cara-cara lain dibuat untuk memberi IC Malaysia kepada 700,000 orang asing yang akan bermastautin di Johor.
13. Bloomberg melapor bahawa di sekeliling JB terdapat 60 project yang boleh diduduki oleh 1½ juta orang. Siapakah yang akan mengisi bangunan pencakar langit di kawasan Iskandar ini.

14. Masuk akalkah jika orang Johor, Melayu, Cina dan India seramai 1½ juta berpindah untuk tinggal dalam projek-projek mewah ini. Tak masuk akal.

15. Untuk 1½ juta orang asing tinggal di sekeliling JB masuk akal. Kononnya nak tinggal hanya 3 bulan musim sejuk sahaja. Sudah ada syarat dan perjanjiankah? Bolehkah kita gambarkan 700,000 orang terbang ke Johor untuk tinggal 3 bulan dan lepas itu 700,000 orang ini terbang balik dan tinggal bandaraya Iskandar JB kosong selama 9 bulan. Fikirkan 1½ juta manusia mengosongkan bandar, pangsapuri, kedai, kilang selama 9 bulan. Sunyi senyap Johor Bharu. Masuk akal?

16. Jika 1½ juta orang asing ini pilih untuk tinggal, untuk bekerja untuk berniaga, untuk melahirkan anak sepanjang tahun dapatkah Mohamad Khalid MB halau mereka keluar.

17. Kalau tidak dapat halau keluar mereka, apakah status mereka. Apakata kalau mereka tuntutan untuk jadi pemastautin tetap. Apakata kalau mereka tuntutan kerakyatan Malaysia.

18. Apakata kalau senyap-senyap mereka diberi IC Malaysia sebelum PRU 14.

19. Mustahil! Tidak. Najib terdesak. Baginya membuat undang-undang untuk memiliki kuasa penuh, tangkap dan kurung orang, menamat jawatan, menyogok wang, mengguna Lembaga Hasil Dalam Negeri untuk menekan orang, bahkan Badan Pencegah Rasuah untuk menakut rakyat sudah diamal olehnya. Setakat memberi IC, mendaftar sebagai pengundi 700,000 orang asing adalah perkara biasa baginya. Mungkin tak sampai 700,000, mungkin lebih bukan masalah bagi Najib.

20. Melesapkan duit Kerajaan (duit rakyat) berbillion Ringgit baginya tiada masalah. Apabila Presiden Amerika, dihadapan Najib, menyindir tentang penipuan yang dilakukan olehnya, senyumannya kekal dibibir. Tak ada berasa malu sedikit pun.

21. Kes membasuh bersih duit yang dicuri dari 1MDB sehingga Malaysia dikenali sebagai di antara 10 negara rasuah terbesar didunia, kes anak tiri dituduh mencuri ratusan million dollar Amerika untuk membuat filem lucah, tidak sedikit pun menimbulkan rasa malu oleh Najib.

22. Mat Salleh kata orang ini "has thick skin" mempunyai kulit tebal. Tak tahu malu langsung. Memalu negara dan rakyatnya okay. Asalkan boleh jadi PM.

23. Jika sogokan dan penipuan dilakukan dalam pilihan raya, itu pun okay.

24. Sebab itu bukanlah mustahil jika 700,000 orang asing mengundi dalam PRU 14.

25. Kepada Mohamad Khalid, Menteri Besar Johor, saya ucap tahniah. Awak akan dapat 1 ½ juta orang asing di sekeliling awak. Mereka kononnya tidak akan menjadi rakyat. Tetapi mereka akan berada di sekeliling kamu.

26. Hanya dengan adanya 1 ½ juta orang asing di Johor, akan menjadi masalah kepada kamu. Lihat apa jadi kepada Singapura. Hanya kerana komposisi penduduknya tidak seperti di Malaysia, kita terpaksa keluarkan Singapura dari Malaysia. Apabila JB dikelilingi oleh 1 ½ juta orang asing apakah kita akan merdekakan wilayah Iskandar. Na'uzubillah.

5 thoughts on "KERAKYATAN"

1. [Log in to Reply sibotak](#) Dec 7, 2016 8:04 AM

Di Korea Selatan President mereka kini  
Hanya menolong sahabat karibnya  
Rakyat Korea sudah berhimpun beramai ramai bagi  
Memastikan President mereka Letak Jawatan

Najib bukan sahaja tolong Anak Tiri ,Keluarga dan sahabat anak tiri beliau , Jojo Joget , malah menelan wang Negara , tambahan Gagal dalam banyak rundingan ,urusan yg beliau di pertanggung jawabkan .  
Kegagalan PM amat Critical and it is of No Excuse

Najib memang Tidak Layak malah Membahayakan Malaysia

2. [Log in to Reply sibotak](#) Dec 7, 2016 6:50 AM

Tun whatever mistakes you did in the past  
Again & again You are the Chosen one  
You have the answer to much of our problem  
Najib is simply A Clown . The most horrible Prime Minister on Earth

Tak perlu ke Mahkamah  
Dengan Najib memasukan duit ke dalam account peribadi  
duit tidak tahu akan asal usul nya  
Sudah terbukti Najib memang Pencuri ,Penjahanam Malaysia  
Budak Higusan pun akan berkesimpulan sama

Nampak sangat Najib bukan sahaja seorang PM Haprak  
Malah manusia & pegawai Bodoh dalam kerajaan  
Kalau ya pun nak selak duit , masukanlah ke account Rosmah ke , account saya ke ?  
Jadi tidaklah Ketara sangat .Dan Najib bolih menafikan segala tuduhan keatas beliau kelak  
Nak mencuri carilah guru mencuri  
Nak merompak carilah guru perompak

lalah mungkin juga jika Najib masukkan account Rosmah.....hmmmmmm  
Alamat duit berbillion jadi Kelabu asap

Amat Malaysia membenci Najib & sekeluarga  
Bukan dari saya , malah kebanyakan kenalan ,juga cakapan kedai kopi  
Najib perlu buat survey akan kebencian rakyat terhadap beliau sekeluarga

Ini kenyataan bukan Andaian  
Jika UMNO menang bukanlah untuk Najib

Cuba kita tandingkan Najib dengan Muhideen  
Atau Budak Hingusan Mukhliz atau si lembut PKR Rafizi  
Belum lagi Harimau Veteran kita Tun Mahathir

Jika sesama Ahmad Zahid Hamidi ,Najib akan Kecundang

3. [Log in to Reply Fariq Islam](#) Dec 7, 2016 6:10 AM

Assalamualaikum, Tun.

Jika kita mengimbas kembali buku sejarah pada 70-an, tiadanya sebarang termaktub yang Sulu salah satu kaum di Sabah. Kini, berapa jumlahnya? Bagaimana ini boleh terjadi?

Memberi kewarganegaraan kepada orang asing, demi undi sokongan diri, adalah satu dosa dan pengkhianatan yang tidak boleh dimaafkan.

4. [Log in to Reply Ali Akbar Hashim](#) Dec 7, 2016 2:24 AM

Dear Sir,

It is worrisome to see millions of illegal foreigners in this country

They are free roaming and contributing lots of social problem but yet ours are too lenient to them , too symphatic

It is worrisome under Najib the country economy are on the free falls

And yet the peoples and the Rulers still defending Najib till their last breath

Unthinkable!

It is worrisome under Najib regime , in the next 5 years , Malaysia will be exporting maids to Indonesia, The Philippines and The Middle East

Please wake up Malaysian!

5. [Log in to Reply rimba.emas](#) Dec 7, 2016 12:17 AM

Salam Tun.

1. Adakah kita tidak mahu berfikir kenapa pada mula kejadian manusia Allah s.w.t memerintah para malaikat termasuk iblis sujud kepada kita.

2. Wal hal pada malaikat pernah persoal manusia kita mempunyai nafsu perosak tidak seperti dirinya sentiasa patuh kepada perintah Allah s.w.t.

3. Begitu juga pada iblis yang menganggap kejadian dirinya lebih baik atau kuat dari jasad manusia sehingga engkar perintah untuk sujud pada manusia.

4. Adakah kerana akal di beri kepada kita yang mana jika hilang pedoman terhadap keimanan maka perbuatan buruk akan dilakukan pada sesama makhluk di dunia ini.

5. Manusia yang di pengaruhi sifat jahat kerana pengaruh syaitan atau iblis mampu melakukan perbuatan yang tidak MASUK AKAL.

6. Malah di dunia ini akan penuh kejadian yang kadang-kadang tidak masuk akal pada pandangan mata kerana kelemahan ketajaman daya fikir yang tewas kepada nafsu.

7. Kejadian seperti kelahiran Dajjal salah satu contoh akan berlaku pada akhir zaman yang pada sesetengah manusia lemah iman akan menjadi pengikutnya seperti di ceritakan dalam hadis sahih.

8. Menganggap perkara itu tidak masuk akal menyebabkan alpa dan akhirnya ramai yang menggiok atau menyokong perbuatan buruk itu.

9. Ambil iktibar dari kejadian api sedikit mudah di kawal jika sudah merebak susah mengawal dan memadamnya.

10. Adakah pendapat begini iaitu PM Najib tidak mahu turun dari jawatan PM kerana takut di bicarakan kerana hutang 1MDB dan akan melakukan berbagai cara agar dapat kekal menjadi PM juga satu yang tidak MASUK AKAL ?

11. Allah s.w.t maha mengetahui.

Wallahua'lam.

**© 2016 — All Rights Reserved.**

Source: <http://chedet.cc/?p=2361>